

Moozhag gagwedwewinan

Wiindamaagebii'igewin ezhi-asiginigaadeg yo'ow nanda-gikenjigewin

I'iw nanda-gikenjigewin imaa Wenji-Dibendaagozid Gagwedwewinan Biinjibii'igan gichi-inendaagwadini endazhibii'igaazod wa'aw gikinoo'amaagan. Onow Moozhag Gagwedwewinan wiindan aaniin dash wenji-nanda-gikendamowaad Minnesota Department of Education (MDE); giishpin inendaagoziyan ji-waawiindmaageyan; ge-izhi-aabajichigaadeg; miinawaa awenen enendaagozid ji-gikendang wezhibii'igaazod.

Aaniin wenji-asiginamowaad yo'ow nanda-gikenjigewin?

Imaa 2017, a'aw Minnesota State Legislature ogii-wiindamawaan iniw gikinoo'amaadiiwigamigoon da-asiginamowaad nawaj ji-gikendaagozinid iniw gikinoo'amaaganan wenjiinid. Nawaj ina waa-nanda-gikendaman, izhaan [Minnesota Statutes 2017, 120B.35, subdivision 3](https://www.revisor.mn.gov/statutes/?id=120B.35) (<https://www.revisor.mn.gov/statutes/?id=120B.35>).

Mii wenji-asiginamowaad nawaj wenjiinid ji-gikendaagozinid nawaj ge-ni-wiidoookawaawaad gikinoo'amaaganan imaa Minnesota. Nawaj dinowa Anishinaabeg gii-gikendaagoziwag iniw Minnesota State Demographer onji [U.S. Census Bureau's classification/coding system](https://www.census.gov/topics/population/race/about.html) (<https://www.census.gov/topics/population/race/about.html>). Gikenjigewin wenji-mookiimagak imaa American Community Survey imaa gikinoonowin-bezhig gemaa gikoonowin-naanan gaa-izhi-nanda-gikendamowaad. Nawaj ina waa-nanda-gikendaman, izhaan [American Community Survey](https://www.census.gov/programs-surveys/acs/) ozhibii'igan (<https://www.census.gov/programs-surveys/acs/>).

Aaniin apii waa-asiginamowaad?

2018-2019 gikinoonowin: Wiinitamiwaa gaa-nanda-gikendamawinjig ji-maada'ookiing imaa naanan gikinoo'amaadiiwigamigoon: Community of Peace Academy, Minnetonka Public Schools, Schoolcraft Learning Community, St. Paul Public Schools, and Worthington Public Schools. Onow gikinoo'amaadiiwigamigoon maamawisijigaadewanoon ji-giiwenizha'amowaapan apii niibing/dagwaagig 2018-19 gikinoonowin dago biindigebii'igewinan 2018-19 gikinoonowin. Mii onow naanan gikinoo'amaadiiwigamigoon da-wiindamaagewag onji wa'aw gikinoo'amaagan wenjiid imaa Minnesota Department of Education (MDE) azhigwa 2018-19 gikinoonowin.

Gaa-onji-mikamowaad onow naanan gikinoo'amaadiiwigamigoon, gakina iniw gikinoo'amaadiiwigamigoon omaa Minnesota ge-ni-giiwenizha'amowaapan nawaj gikenjigewin gaa-mikamowaad azhigwa dagwaagig/biboong 2018-19 gikinoonowin dago biindigebii'igewinan 2019-20 gikinoonowin.

2019-2020 gikinoonowin: Gakina gikinoo'amaadiwigamigoon da-gagawejimaawag ji-wiindamaagewaad gaa-mikamowaad wenjiinijin iniw gikinoo'amaaganan azhigwa 2019-20 gikinoonowin.

Mii yo'ow gikenjigewin ji-baabitawi-dibaabanjigaadeg nenaano-gikinonowin ako gaa-wiindamawindwaa gakina gikinoo'amaadiwigamigoon, dago iniw naanan wayeshkad gaa-aabajitoojig, i'iw apii 2024-25 gikinoonowin.

Mii na gakina endaso-dibenjiged gegwejimind ji-nakwebii'ang onow?

Enya. Azhigwa 2018-2019 gikinoonowin, endaso-dibenjiged eyaawaad bezhig iniw gikinoo'amaaganan imaa gikinoo'amaadiwigamigoong k-12 izhi-gagwejimind ji-nakwebii'ang onow gagwedwewinan. Ganabaj awiya gegagwejimind ji-mooshkinebii'ang oshki-biinjbii'igan miinawaa oshki-gikinoonowin, oga-dagosidoonaawaa gidinendamowiniwaa omaa ozhibii'iganing.

Azhigwa 2019-2020 wii-gagwejimaa endaso-dibenjiged imaa Minnesota gikinoo'amaadiwigamigoon ji-nakwebii'ang i'iw biinjbii'igan ji-gikendaagozid wenji-dibendaagozid.

Giishpin nakwebii'anzigwaa i'iw biinjbii'igan ingiw debenjigejig?

Gikinoo'amaadiwigamigoon inendaagwadoon ji-wiindamaagebii'amawaad wenji-dibendaagoziwaad iniw state miinawaa U.S. Department of Education. Gaawiin memwech gidinendaagozisiin ji-wiindamaageyan, giishpin izhichigesiwana. Federal law ikidomagad ji-onaabandamaagoyan. Giishpin dash nakwebii'anzigwaa i'iw biinjbii'igan ingiw debenjigejig, *booch dash ji-onaabandamowaad wenji-dibendaagoziyan gagwedwewinan, iniw gikinoo'amaadiwigamigoon, zoongibii'igaadeg, epiichi-gikendamowaad ji-wiindamawaad iniw Minnesota Department of Education (MDE).*

Gaawiin memwech ji-nakwebii'aman i'iw wii-wiindamaageyan ezhibii'igaadeg, naa gaye *gaawiin giga-nakwebii'amaagosiig iniw gikinoo'amaadiwigamigoon wenji-dibendaagoziyan wii-nakwebii'anziwan.* Giishpin nakwebii'anziwan, gaawiin oga-gikenimaasiwaan wenji-dibendaagozinid awiya iniw gikinoo'amaadiwigamigoon miinawaa MDE, biinish gaye gaawiin da-gikenimaasiin ayaawid gemaa gaye gaawiin daa-naadamaagozisiin awiya gekenimaasiwind wenji-dibendaagozid.

Zoongibii'igaadeg iniw gagwedwewinan

Iniw zoongibii'igaadeg gagwedwewinan gagwejimigooyan wenji-dibendaagoziyan. Niminwendaamin ba-azhe-wiindamaageng michi-giizhichigaadeg wenji-dibendaagozid a'aw bemaadizid. Bebikaan inendam a'aw bemaadizid wenji-dibendaagozid. Ninoopinizha'aamin federal inakonigewin ezhi-wiinjigaadeg endaso-bebezahig wenji-dibendaagozing.

Ingodwaachinoon wenji-dibenjiged gikinoobii'iganan mookiimagak "enya/gaawiin" gagwedwewinan imaa endazhi-biinjbii'igeng dago gagwedwewinan 2-7. Booch ji-gagawemind awiya niizhing gagwedwewinan. Gagwedwewin imaa niigaan gagwejimaa a'aw gikinoo'amaagan Hispanic/Latino eyaawid. Inendaagozid awiya Hispanic/Latino ji-dibendaagozid. Nawaj iniw gagwedwewinan (1,2,3,4,5, miinawaa 6) gagwedwe bezhig

jekibii'ang maagizhaa awashime bezhig. Anishinaabewi, Aniibiishikensiwi, makadewiiaasiwi, Native Hawaiian gemaa Pacific Islander, gemaa chi-mookomaaniwi. Odiinimaan bebakaan endibendaagozinijin a'aw federal government.

Gaawiin memwech da-jekibii'igaadesinoon onow waawiiyebii'iganensan. Giishpin nakwetanzig, oga-apabii'aanaawaa gikinoo'amaadiiwigamigoon minik gekenimaawaad gikinoo'amaaganan epiichi-gikenimind a'aw gikinoo'amaagan. Wiindamawaawag gikinoo'amaadiiwigamigoon ji-asiginamowaad nando-gikendamowin onji gikinoo'amaaganag onow akeyaa:

- A. wenjiinid iniw ogitiziiman;
- B. epiitizid a'aw gikinoo'amaagan, giishpin nakwetanzinig iniw ogitiziiman;
- C. giishpin gagwejimaasiwind iniw ogitiziiman, maagizhaa gikendanzig a'aw gikinoo'amaagan, ezhi-waabanjigaazod a'aw ogimaa gemaa gikinoo'amaage-ogimaa, gaa-ozhibii'igaadeg imaa gikinoo'amaadiiwigamigoong.

Wii-wiindamaageyan Gagwedwewinan

Iniw gagwedwewinan wii-wiindamaageyan wezhibii'igaadeg gagwejimigooyan ji-nakwebii'amaageyan nawaj wenji-dibendaagoziyan. Gaawiin dash memwech ji-nakwebii'aman, ikidomagad federal inakonigewinan. *Giishpin nakwebii'anziwan, gaawiin oga-nakwebii'amaagoosiig iniw gikinoo'amaadiiwigamigoon wenji-dibendaagoziyan.* Ishke gii-aanjichigaadewan iniw Minnesota Statutes 2017, 120B.35, subdivision 3, mii iw . wenji-asiginigaadeg i'iw nanda-gikenjigewin. Mii ge-nakwebii'amamban:

- Anishinaabe/Ojibwe; Cherokee; Dakota/Lakota; Other American Indian Tribal Affiliation
- Asian Indian; Burmese; Chinese; Filipino; Hmong; Karen; Korean; Vietnamese; bakaan Asian
- African-American; Ethiopian-Oromo; Ethiopian-Other; Liberian; Nigerian; Somali; bakaan Black
- Colombian; Ecuadorian; Guatemalan; Mexican; Puerto Rican; Salvadoran; Spaniard/Spanish/Spanish-American; bakaan Hispanic/Latino

Wiindamaagewin

Mii onow gagwedwewinan 1-6 Gaawiin dagobii'igaadesinoonan ji-onjised zhooniyaa. Giishpin Hispanic gemaa Latino gaa-jekibii'igaadeg, mii ezhi-gikendaagozid a'aw gikinoo'maagan imaa federal level. Dibishkoo Hispanic gemaa Latino dago Chi-mookomaaniwid, mii a'aw ge-izhi-gikendaagozid apane Hispanic gemaa Latino. Giishpin jekibii'igaadeg awashime bezhig: Anishinaabewi, Aniibiishikensiwi, Makadewiiaasiwi, Native Hawaiian/Pacific Islander, gemaa Chi-mookomaan wa'aw gikinoo'maagan ge-izhi-gikendaagozid "Wiisaakwadewid". Dibishkoo jekibii'igaadeg Anishinaabewi gemaa Alaske Native dago Chi-mookomaan, ji-izhi-gikendaagozid "Wiisaakwadewid". Inendaagozi ako eko-niizhwaaching wenji-dibendaagozid. Gaawiin giwaabanda'igosiin gikinoobii'igan imaa biinjibii'iganing.

Gagwejimaawag ingiw gikinoo'amaaganag imaa gagwedwewin-1 ji-wiindamaageng anishinaabewid. Mii ongow wenjiijig omaa Chi-mookomaanakiing epabii'aad State of Minnesota miinawaa gaye anishinaabe-izhitwaawaad. Yo'ow gagwedwewin aabajichigaade ji-zagakibii'igewaad minik zhooniyaa maanigoziwaad.

Aaniin dash wenji-ayaamowaad aanind ongow wekowiinojig nawaj ge-waawiindamaagewaad apii dash godagiwag?

Mii ongow wekowiinojig ge-mikawindwaa omaa [Minnesota Statutes 2017, Section 120B.35, subdivision 3](https://www.revisor.mn.gov/statutes/?id=120B.35) (<https://www.revisor.mn.gov/statutes/?id=120B.35>).

Yo'ow inakonigewin ikidomagad, "Native Hawaiian gemaa Bakaan Pacific Islander" miinawaa Chi-mookomaan" gaawin miinaasiwag ji-wiindamaagewaad nawaj wenji-debendaagoziwaad. State data practices law ikidomagad, [Minnesota Statutes 2017 Section 13.05, subdivision 3](https://www.revisor.mn.gov/statutes/?id=13.05) (<https://www.revisor.mn.gov/statutes/?id=13.05>), booch MDE ji-ganawendamowaad minik ge-aabajitoowaad iniw gikenjigewinan. Eta igo ge-aabajitoowaad ji-naadamaagozinid iniw gikinoo'amaaganan gaa-inaakonigewaad federal government.

Aaniin ge-nanda-gikenjigewaad?

Ji-miinindwaa ingiw wenji-dibendaagozijig ji-wiindamaagewaad aweneniwaad, iniw gikinoo'amaadiiwigamigoon maano oadaa-inendaanaawaa ji-odaapinamowaad nawaj nanda-gikendamowin gaa-inaakonigewaad ji-naadamaagozinid iniw gikinoo'amaaganan ezhitwaanid enwenid igaye. Aanoozomindwaa iniw gikinoo'amaadiiwigamigoon ji-giiwenizha'amowaad Gitiziimi-ozhibii'igan miinawaa Wenji-dibendaagozid Gagwedwewinan.

Aaniin gaye ingiw wenji-dibenjigaazojig gayat gaa-biinjibii'igaazowaad?

Giishpin gayat gaa-biinjibii'igaazowaad ingiw wenji-dibenjigaazojig, gagwejiimaawag miinawaa ji-biinjibii'igewaad. Aanjichigewag Minnesota Department of Education ezhi-asiginigewaad. Daa-gashki'ewiziwag gakina ingiw debenjigejig ji-wiindamaagewaad wenji-dibendaagoziwaad imaa mazinabii'iganing gemaa iibii-gaadeg.

Aaniin akeyaa ge-inaabadak imaa state level?

Gaawin da-wiindamaagesiin wenji-dibendaagozid gigikinoo'amaagan, mii eta ge-ni-aabajitood MDE ezhi-miinigozid inakonigewinan. Giishpin wiindamaageyaang gekenjigewin, inga-wiindamaagemin ezhi-okwiinowaad, gaawin eta bebezhiig gikinoo'amaagan wenji-debendaagozid.

- Onow nawaj nanda-gikenjigewinan bebakaaniziwaad ge-inaabadak ji-gikendaagoziwaad ingiw gikinoo'amaaganag miinawaa gaye ji-wiindamaagewaad aweneniwaad.
- Ji-biminizha'igaadeg state legislation, a'aw Minnesota Department of Education wii-wiindamaaged gaamikang mamawabiwaad dibaabanjigaazonid iniw gikinoo'amaaganan miinawaa giizhi-gikinoo'amaagozinid i'iw nitam gikinoonowin. Niigaan dash ji-dagobii'igaazowaad ingiw bebakaaniziwaad ji-ozhitaawaad ji-izhaawaad gabe-gikendaasowigamigong miinawaa ji-anokiiwaad giiziitaawaad, ji-ganawenjigaazowaad gikinoo'amaagoziwaad, miinawaa ji-wiidookaazowaad gikinoo'amaadiiwigamigoong.

- Ezhi-gikendaazid a’aw gikinoo’amaagan oga-mawandoosidoonaawaa ezhi-gikendaasod, ezhi-gagwe-gikendang zhaaganaashiimowin, gwiiwizensiwiid/ikwezensiwiid, miinawaa anooj wenjiid. Niigaan dash ge-izhi-wiindamaagewaad nawaj anooj gikendamowin. Dibishkoo, asiginigaadeg nanda-gikendamowin ji-dibaabinjigaadeg giizhikamowaad Chinese ininiwiid zhayaaganaashiimod biinish Somali ikwewid zhayaaganaashiimowin gegwe-gikendang.
- Izhichigewag MDE, ezhi-wiindamaagewaad ji-wiindamaagesigwaa ingiw egaasiinojig agana dash 10 gikinoo’amaaganag, naa gaye ingiw gikinoo’amaaganag eshkwiiinojig agana dash 10. Awegodogwen waa-wiindamaageng wenji-dibendaagozid awiya ge-inaabajichigaadeg waa-inaakonigaadeg Gichi-manidoo Giizis 2018.

Aaniin akeyaa ge-inaabadak yo’ow imaa gikinoo’amaadiwigamigoon izhi-maamawi?

Nawaj wii-gikendaman ge-inaabadak yo’ow nanda-gikenjigewin imaa gikinoo’amaadiwigamigoon izhi-maamawi, ganoozh ingiw enokiiijig imaa gikinoo’amaadiwigamigong ozhibii’igewigamigong.

Da-wiindamaagoziwag ina federal government yo’ow nanda-gikenjigewin?

Wiinetawaa ingiw wenji-dibendaagozijig nanda-gikenjigewin gagwedwewinan makade-zoongibii’igaadeg (American Indian or Alaska Native; Asian; black or African American; Hispanic/Latino; Native Hawaiian or Pacific Islander; white) da-wiindamawaawag federal government. Gaawiin da-wiindamawaasiwag ingiw federal government onow nawaj nanda-gikenjigewinan (Wii-wiindamaageyan). Gaawiin da-aabajichigaadesinoo onow akeyaa:

- Gaawiin da-wiindamaasiwag ingiw gikinoo’amaaganag.
- Gaawiin da-wiindamaasiwag immigration state gemaa federal level, miinawaa gaawiin da-mikigaadesinoo ingoji.
- Gaawiin gegoo da-izhi’aasiin giniijaanis ji-bi-gikinoo’amaagozid
- Aanawi bebezhiig ingiw gikinoo’amaaganag ji-gikenjigaazowaad, eta igo da-wiindamaageng izhi-maamawi eyaawaad. Onow wiindamaagewinan da-ganawenjigaazowaad ingiw gikinoo’amaaganag aweneniwaad, miinawaa booch awashime midaachiwaad ji-nisidawinawaasiwaad.
- Gaawiin wiinjigemagasinoo yo’ow nanda-gikenjigewin ezhiid a’aw gekinoo’amaaged
- Gaawiin gegoo da-izhiimagasinoo yo’ow nanda-gikenjigewin ji-izhaad gabe-gikendaasowigamigoong.

Awenen eta ge-waabandag yo’ow nanda-gikenjigewin?

Yo’ow biinjibii’igan miinawaa gikenjigewin ji-biinjibii’igaadeg imaa gikinoo’amaadiwigamigoong ezhaad giniijaanis. Oga-nakwaabandaanaawaa ingiw enokiiijig imaa gikinoo’amaadiwigamigoong gegwejimaajig giniijaanis aweneniinid imaa ogimaa-ozhibii’igewigamigoong.

Awenen gaye ge-gikendang yo'ow gikenjigewin?

Oga-gizhaadaanaawaa yo'ow gikenjigewin wezhibii'igaazod awiya onji ayaangwaamibii'igaazo awiya gikinoo'amaadiwigamigoon miinawaa Minnesota Department of Education (MDE). Wiinawaa eta-go ge-gikendangig:

- Gikinoo'amaadiwigamigoon miinawaa MDE enokijig ji-wiidookaagowaad wii-gikinoo'amaagozid awiya;
- Gakina gaa-bagidinat ji-gikendang; miinawaa
- Gakina a'aw bemaadizid gaa-bagidinigod iniw state gemaa enaakonigenijin da-gikendang yo'ow gikenjigewin.